

靈石縣志

趙子瑗題

序 修志職名 目錄 凡例

圖考

星野圖
學官圖

縣境圖
縣署圖

縣城圖
巡檢署圖

八景圖

靈石攝影

靈石圖說

全縣區村詳圖

地輿志卷一

沿革
山川

分野
水利

疆域
風俗

建置志卷二

城池
一橋梁
市集

縣治
里甲

坊表
村莊

民國二十三年

靈石縣志

志書局重修

二十六年徵集

重修靈石縣志序

伏以志也者史之流也周禮春官小史掌邦國之志今國史及一統志是外史掌四方之志今直省通志及府州縣志是靈石縣之版設也據隨書開皇十年始割介休西南地置靈石縣隸西河郡靈石之有縣志也其創始遠不可稽惟明萬歷辛丑知縣事路一麟曾纂修之嗣是而重修者一見於清康熙壬子再見於嘉慶丁丑三見於光緒元年乙亥迄今又六十年矣民國十八年春各縣奉到 省政府轉

國民政府通飭修志令文並省頒條例時蟾適充省委兼長農礦廳以振興實業先須明瞭各縣情況因飭各縣呈送縣志並曾函商於宰靈邑之劉君翰池擬請設局重修一面又函請本邑張子和田維召諸紳提倡捐款以備重修費用蓋自民國以來政體既

靈石縣志

序

一

異因革損益百度維新邑志之增修實有裨於政務之借鑑惜昔省自民國甲子後受時局影響頻年用兵間以水旱偏災而靈石又土匪滋擾紛紛請駐軍練民團餉需差徭上下交困修志之舉因以不果在再至今殊覺歉然二十二年秋間奉 命赴晉南巡閱並視察種植棉菸成績道經靈石遇邑宰李君凱朋於汽車站舊事重提因請其提倡速辦蓋李君自委署靈篆勵精圖治匪患次第肅清閭閻相隨復業政通人和比歲豐穰百廢具興政務之暇以縣志重修義不容緩爰邀集士紳迭開會議詢謀僉同刻期舉辦於本年四月一日設局調查編輯分頭進行以志局經費之攤派易於擾民也凡一切籌辦採訪編纂繕摺繕文具紙張印刷以及薪工火食等費統由募捐出之其爲書都十二卷首圖考以地輿志始以雜錄志終自調查至屬稿凡八閱月而歲事且舊志

所載一仍舊貫新書所增胥屬實錄聞之光緒初纂修山西通志時撫院張公香濤徵集各縣志乘延洪洞王霞舉鄉寧楊蚪麋趙城張鐵生諸先達任編輯咸謂靈石縣志詳略得體義例緊嚴今之重修率由舊章而附以新志亦先民是程之意爾稿成寄并囑蟾以纂修事因於簿書之暇詳加閱覽兼爲校正文字或略加點竄總期筆於書者具見簡明毋召續貂之誚而攬斯文者足資考鏡不來題鳳之譏是亦蟾之所深幸者已謹序

時在中華民國二十三年歲次甲戌冬十二月邑人耿步蟾識於并門山西實業廳公署

重修靈石縣志序

縣之有志猶國之有史也生於數千載下舉夫數千載上政治之得失人才之盛衰世運之升降風俗之淳澆莫不燦若列眉瞭如指掌者皆國史之力也設無國史雖前民利用如伏羲神農黃帝堯舜禹湯文武周公孔子諸聖人皆湮沒弗傳後世雖欲知之孰從而知之是史乃直書全國政務志則實錄一縣事蹟史志雖殊義理則一焉靈石雖蕞爾小邑僻處山間然關陜冷泉嶺踞高壁登綿山而憑眺介子推早著高風過西河而遐思卜子夏久留教澤詩歌蟋蟀俗尚儉勤書繹君陳人敦孝友是皆載在舊志非惟閭里之光傳之當時足備輶軒之採凱朋以箕城下士於辛未孟冬奉委來宰是邦下車伊始適

上峯紛紛徵集靈石縣志各處搜求幾成奇貨斯邑人士亦以縣

靈石縣志

序

三

志失修多年爲言其時二十九軍駐紮靈境財政支絀軍需浩繁又兼煙匪猖獗親於剷除故續修縣志事雖在所必爲情實難於兼顧甲戌春地方逐見昇平人民安居樂業公餘之暇邀集士紳開始籌設續修縣志局分途勸捐者有人分股幹事者有人閱數月而失修垂六十年之縣志於以告成覽斯志者見夫某也忠某也孝某也節某也義砥礪廉隅崇尚氣節之心其有不油然而興耶從茲藉鏡返觀漸乎仁摩乎義人民有自動之機名山養望舉以事揚以言國家有旁求之興凱朋不文爰撮數語以告後之覽者

時在中華民國二十三年歲次甲戌仲冬之月靈石縣縣長箕城李凱朋撰

靈石縣志光緒乙亥續修序

夫志爲一邑之文獻天文地理人事胥徵於此余同治己巳歲蒞斯任時虞政治失當貽累民生嘗於公餘閱舊志其文崇雅黜浮默寓扶救之意史才也余愧謏陋未足接武前賢深懼貽羞後世凡職所當盡力所能爲弗憚焉甲戌秋蒙 憲檄量移聞喜行有日矣思及縣志風教攸關幼海王公修於嘉慶丁丑距今六十載缺修未續其間之節義事功可法可傳者纍纍曷可聽其殘墜後世徵信爲難邑宰敢不亟圖然事關文獻所繫匪輕而職在有司雖欲辭之不可爰延訂廣文庚酉白公淇園宋公鐵軒曹公廣徵博採即以覩聞爲實錄朝夕討論考訂增刪事蹟有加體例無改閱五月而屬草始成增補兩卷以付梓其擇焉不精語焉不詳限於時促以待後之修志者取裁云

靈石縣志

原序

四

光緒元年歲在乙亥孟春中浣知靈石縣事燕山雅齋謝均撰

靈石志嘉慶丁丑重修序

粵自周禮小史外史分掌邦國四方之志小行人又錄萬民之利害禮俗悖逆荒札安平各爲一書以五物詔王周知天下之故後世郡邑之志於是濫觴凡所以觀民情察吏治斟酌利弊移易風俗胥此志也靈石爲山右衝衢乾隆丙午丁未歲時余侍先大夫牧絳州尋擢守邢襄東出介霍問道經是邑見其星郵絡繹無虛日計爲之宰者酬應紛拏撫綏罷敝良非易易嘉慶己巳余謁選掣得直隸威縣尋蒙

恩特調山西靈石自維余家自明季由晉之洪洞遷陝華州偃指從前服官三晉者五世矣若霍州臨汾藩垣祁邑絳州所在政蹟炳如載在家乘余小子叨 祖宗餘蔭適莅茲土下車以來無日不惴惴焉以仰副

靈石縣志

原序

五

天恩下酬民望爲念且恐家聲隕墜以貽先世羞然則徵文攷獻佑啟愚蒙又烏得不亟取諸誌哉願嘗披檢舊文因陋就簡殘缺未備又自康熙壬子距今百五十餘年從無釐正修葺之者余滋惡焉尋念茲邑也大山巨壑厄要宜防頽墉短垣增坏宜飭腴田瘠壤輸納宜均祈年報享秩祀宜舉洪濼衝激堤障宜固險瀧峭壁疏繫宜勤破觚斲雕侈靡宜斥他如佩綬橫經哲人貞媛豐功駿烈宜揚潛德幽光宜發使次第修舉勒諸典冊亦觀治者考得失之林也顧茲事體大余愧謏陋因循而未果丙子夏次臯黃君以海南名宿觀政并門向與余訂文字交因羅而致之乃廣約曲求旁蒐彙括易其詞覈其事正其體疏其目遠而有徵近而不穢因天之道相地之宜疆域有條戶口有紀田賦有經禮樂有緯職官治之學校導之選舉秩之兵屯衛之彰於名宦顯於人物流於

藝文播於風俗事得其理人得其序蓋治道於是乎備矣抑余更
有幸焉山右臨汾志 二世祖正議公修之祁邑志 高祖中憲
公修之今余勉蕺是役亦猶區區繼志述事之微意云爾余雖未
能興利剔弊綱舉目張然是編也司風君子采事觀變因時捐益
神而化之與民宜之其事則靈邑其文則史其義則猶然古者周
知天下之故藉以仰贊

聖天子軫念民依之郅治而小子叨職八年亦庶免於尸位瘵官
之誚也夫是爲序

嘉慶丁丑歲夏六月上澣知靈石縣事關中王澍撰

靈石縣志康熙壬子重修原序

嘗聞元公置內外史而周禮始備鄼候收圖籍而漢鼎以興史之見重於國家也久矣但四方之志不修國史何徵欲光簡冊而嗣前徵其道無從由茲以觀邑志尙已夫邑之志或亦由古月吉猷書陳詩納賈之意爾不佞於政暇閱及靈志見分野辨而天道備疆域奠而地理明官師設坊表立而人事存焉是役也固天文地理人事之紀而守土者不可不慎其事也伏遇上臺移檄徵志所屬靈雖蕞爾隅東綿屏峙西汾環繞鍾靈毓秀間有偉人且表裏山河關鎖阨塞實河東郡牖戶是志之尤重且切也蓋靈志創始遠不可稽一見於明萬歷辛丑知縣路一麟類稱良史材其箸次條目遇囑瞭然似無容更贊一辭迨自我

清阪圖統一損益制易其紀載之遺缺名物之替換人才之盛衰

靈石縣志

原序

七

豈無繼此而有可修明者念志屬不朽事傳千百世已往之典故樹千百世後起之芳規求其博而有要詳而有體憂憂乎其難之揣多固陋又兼繁雜恐難稱事延同學師庠彥搜往牒採輿論循名核實商訂真贗仍其舊乘之篇目加以修飾可因者因之亦因其所不得不因可入者入之亦入其所不得不入哀繁益簡務使義類昭然以盡其所有事而已

康熙壬子季秋吉日知靈石縣事濟源人侯榮圭撰

靈石縣志萬歷辛丑纂修原序

夫邑之有志也若國之有史家之有乘也蓋考古鏡今實式賴之顧久則變變則宜修有不容於仍舊者靈石舊有志乃潁川白公所輯幾三十春秋矣歷年既多沿革數易昔隸河東今隸冀南則更加纂修亦今日急務也不佞弗揣管窺爰於公餘取舊志嘗披閱之久之地理建置之故風俗人物之實頗洞於胸中遂刪其繁浩次其篇目間亦附以臆說凡十篇焉是志也不過因其所不可易更其所不可仍如易之所謂改邑不改井也若曰考核精詳約而該簡而不可略輝煌治化以興起人文是任余弗能也則有後之閱覽博物者

萬歷辛丑陽月吉知靈石縣事栢人路一麟撰

靈石縣志

原序

八

靈石縣志重修職名

監修

薦任職任用署理靈石縣縣長

李凱朋

榆社人

纂修

山西省政府委員兼實業廳廳長

耿步蟾

邑人

副修

清代優廩生員

張象舒

邑人

前山西諮議局議員清代恩貢生

田萬棠

邑人

光緒丁酉科優貢

李時光

邑人

協修

前河南唐縣縣丞清代廩貢生

蔡啟源

邑人

前保德州承審員記名縣長山西法政畢業

張壬林

邑人

靈石縣志

重修職名

九

校對

清代優廩生員 楊元昌 邑人

前山西財政廳科員清代優廩生 張士僑 邑人

現任本縣財政局主任高等學校畢業 毛作楹 邑人

山西實業廳技士山西大學校工科畢業 吳生長 邑人

分校

現任本縣第一高等學校校長第一師範畢業 張純堪 邑人

現任本縣教育會會長國民師範畢業 趙恒雨 邑人

現任本縣兩級女子學校校長國民師範畢業 李萬生 邑人

現任本縣農會幹事長清代增生法政簡易科 張茂庭 邑人

採訪

現任本縣教育局縣督學單級師範畢業 楊長懋 邑人

考取區長清代附生梁芹芳邑人

前直隸安肅縣警務長清代庠生段紹京邑人

前本縣財政局局長清代附生郭瑞亭邑人

前本縣財政局局長高等學校畢業蔡景潭邑人

清代監生何澤和邑人

監刊

山西實業廳科長優級師範畢業舉人郭自勵邑人

山西實業廳主任科員張繼堪邑人

本縣高等學校畢業郭鵬雲邑人

本縣商會主席陸軍憲兵上校第九師衛隊營長張守餘邑人

瞻錄

前河北望都縣政府科長清附生山西農林預科業畢程樹棠邑人

靈石縣志

重修職名

十

前本縣財政局局長高等學校畢業李槐邑人

清代監生趙原麟邑人

太原文蔚閣經理郭興修邑人

靈石縣志光緒乙亥續修職名

纂修

陞用同知知靈石縣事調任聞喜縣知縣謝均

順天涿州

編次

靈石縣訓導丙午科舉人

白星煒 汾陽

叅訂

靈石縣教諭廩貢生

曹振鐙 太谷

署靈石縣教諭廩貢生

宋竹川 翼城

校閱

特用同知前山東曹州府距野縣知縣

謝澍 順天涿州

同知銜候選知縣

謝淇 涿州

署靈石縣教諭長子訓導壬戌科舉人

侯賓周 孟縣

靈石縣志

原修職名

十一

候

補

典

史

馬朝輔 順天大興

監刊

靈石

縣

巡

檢

李崇善 浙江會稽

靈石

縣

典

史

張慎餘 順天武清

首事

吏部截取知縣乙未恩科舉人

何慶瀾 邑人

鹽運同銜候選同知附貢生

王臣忠 邑人

經理

吏

員

裴立言 邑人

分校

前平

魯

縣

典

史

應曾慶 河南項城

庠

生

曹寶觀 邑人

膳錄

優

廩

生

張玉珂

邑人

庠

生

趙子璨

邑人

採訪

廣東試用知縣癸酉科拔貢

楊蔭廷

邑人

守

禦

所

千

總

張文魁

邑人

守

禦

所

千

總

胡友賢

邑人

廩

膳

生

李翊櫪

邑人

靈石縣志

原修職名

十二

靈石縣志嘉慶丁丑纂修職名

纂修

知靈石縣事調任陽曲縣知縣壬子科舉人 王志澍 陝西華州

編次

候補知縣庚申科舉人 黃憲臣 廣東南海

叅訂

原任代州吏目附監 孫貽謨 江蘇六合

校閱

靈石縣教諭丁酉科拔貢 任秉德 壺關

原任靈石縣訓導乙卯科舉人 武依鎬 文水

原任靈石縣訓導歲貢生 馮裕祚 代州

靈石縣訓導歲貢生 崔文閣 徐溝

靈石縣志

原修職名

十三

監刊

靈石縣巡檢 徐源 江蘇武進

靈石縣典史 陳榮章 浙江山陰

首事

總理原任順天府督糧通判 王如琨 邑人

布政司經歷 王中極 邑人

原任廣昌縣知縣丙午科舉人 曹誦清 邑人

朔州訓導歲貢生 楊大建 邑人

候補道 楊溪 邑人

直隸磁州知州 何道榜 邑人

戶部司務廳 王鳳山 邑人

直隸清苑縣知縣 王德蔡 邑人

原任禮部儀制司郎中癸丑科進士 程體常 邑人

吏部驗封司員外郎辛酉科進士 梁中靖 邑人

府 同 知 祁霖充 邑人

候 補 郎 中 王汝聰 邑人

府 同 知 王綬來 邑人

經理

增 廣 生 韓泰豐 邑人

太 學 生 陳應昌 邑人

庠 生 祁霖澳 邑人

庠 生 張振緯 邑人

太 學 生 王化 邑人

太 學 生 郭麟選 邑人

靈石縣志

原修職名

十四

試用 訓 導 李蔚華 邑人

吏 分校 員 趙運興 邑人

分校

候 補 教 諭 恩 貢 生 任守禮 邑人

廩 膳 生 曹士琳 邑人

膳錄

庠 生 韓汝霖 邑人

庠 生 趙清紱 邑人

庠 生 韓椿芳 邑人

太 學 生 趙清綬 邑人

採訪

辛酉 科 舉 人 王濟衆 邑人

歲 廩 廩 附 增 庠

貢 膳 膳 貢 廣

生 王太和 邑人
生 裴蘭芬 邑人
生 李 鵬 邑人
生 閻生輝 邑人
生 李春芳 邑人
生 房元錫 邑人

靈石縣志

原修職名

靈石縣志舊修職名

萬歷辛丑纂修

文 林 郎 知 靈 石 縣 事 路一麟 柏鄉人

縣 丞 王誠一 永城人

訓 導 閻 教 鄉寧人

典 史 梁 柏 興平人

庠 生 楊大壯 邑人

康熙壬子纂修

文 林 郎 知 靈 石 縣 事 侯榮圭 濟源人

縣 丞 馬文元 正白旗 遼東人

訓 導 孫進修 榆社人

典 史 喬延祚 淄川人

靈石縣志

原修職名

十六

庠 生 張尊美 邑人

庠 生 趙紹芳 邑人

庠 生 陳之傅 邑人

庠 生 王紹祖 邑人

靈石縣志重修目錄

圖考

星野圖 縣境圖 縣城圖 學宮圖 縣署圖 巡檢署圖 八景圖 靈石圖說 全縣區村詳圖

地輿志卷一

沿革 分野 疆域 山川附水利 風俗

建置志卷二

城池 縣治 坊表 橋梁 里甲內村莊 市集

食貨志卷三

田賦 戶口 倉儲 權稅 鹽法 物產

學校志卷四

學宮 祭儀 樂章 祭器 書籍 學署 學額 教育

靈石縣志

重修目錄

十七

典禮志卷五

祠廟附祀典 壇壝 郵政

武備志卷六

營伍 關隘附堡寨墩 軍器 郵政 鋪遞

職官志卷七

知縣 縣丞 教諭 訓導 巡檢 典史 驛丞 武職

輔政職員 宦績

選舉志卷八

進士 舉人 孝廉方正 貢生 恩拔副優歲

武進士 武舉 省縣選舉 學校畢業 仕籍 候選

職銜 議叙 封典

人物志卷九

忠孝 善行 列女 捐賑

藝文志卷十

記 碑記 銘 辨 頌 令 碑文 墓誌 節孝記
壽序 誄文 捐啟 詩 歌 楹聯

古蹟志卷十一

名勝 寺觀 邱墓

雜錄志卷十二

祥異 災異 事考 仙釋 礦產 建設 機關 區村
制 農事諺語 捐修志書

靈石縣志原目錄

圖考

星野圖 縣署圖

縣境圖 巡檢署圖

縣城圖 八景圖

學宮圖

地輿志卷一

沿革 分野

疆域

山川

附水利

風俗

建置志卷二

城池 縣治

坊表

橋梁

里中

內村庄

市集

食貨志卷三

田賦 戶口

倉儲

權稅

鹽法

物產

學校志卷四

學宮 祭儀

樂章

祭器

書籍

學署

學額

典禮志卷五

祠廟

附祀典壇壝

郵政

靈石縣志

原修目錄

十九

武備志卷六

營伍 關隘

堡寨墩附軍器

郵政

舖遞

職官志卷七

知縣 縣丞

教諭

訓導

巡檢

典史

驛丞

武職

宦績

選舉志卷八

進士 舉人

孝廉方正

貢生

恩拔副歲

武進士

武

舉 仕籍

候選

職銜

議叙

封典

人物志卷九

忠孝 善行

捐賑

列女

古蹟志卷十

名勝 寺觀

邱墓

藝文志卷十一

記 詩

雜錄志卷十二

祥異 事考 仙釋

靈石縣志

原修目錄

二十

重修凡例十四則

民國二十三年

一靈石志書前輩先達編輯盡善議定照舊叙入原十二卷今增十餘目綱舉目張足收徵文考獻之效

一舊志年湮代遠事多簡略自嘉慶丁丑知縣王志澍重修博而有要詳而有體至同治十三年已六十年知縣謝均重修訂續編二卷考諸志書無此條例今分類合入前志取銷續編名義此志從光緒元年至民國二十三年亦是六十年

一前志圖考所繪各圖不加變更新增入呂祖祠靈石圖說又民國改革新製全縣圖分爲五區各區管轄各村及道里河橋山川等均一一註明訂於諸圖之後

一地輿志如汾河水利將民國十一年 閻兼省長明定均

靈石縣志

重修凡例

二十一

水辦法四則並原具呈文均照叙入以資日後有所依據雙池河新開渠道亦補入備考風俗無甚變更惟婚嫁事尙奢糜應加改革

一建置志中之里甲全縣十八里民國改爲五十四村村莊無增無減今按區分配另立區村制一目叙入雜錄志中集市日期間有變更

一食貨志戶口按現查確數登載事考內倉儲以現積穀數分別列入田賦權稅鹽法與前志不同一一叙明物產如穀屬增三種蔬屬增七種瓜屬增二種果木花草四屬各增一種藥屬增五種餘均照舊

一學校志祀孔之禮雖廢一切儀式均在惟學署改爲學堂辦公所新編教育一目叙於學額後以明同類相從之義

新增樂器祭器數十宗及先賢先儒從祀年代與其籍貫
一典禮志祠廟壇壝地址雖在而不祭祀然此禮不可廢如
告朔之餼羊羊在禮猶可復故民國亦無明文取銷關岳
合祭今補入新增尖陽山下公主廟道美村后稷廟郵政
如養濟院普濟堂育嬰堂漏澤園今均作廢

一文事武備不可偏廢故典禮以後即列武備舊日之營伍
今改爲公安局警察舊日之關隘今改爲安卡地舊日之
軍器今改爲槍炮刀械舊日之郵政遞舖今改爲馬巡警
士分出所名雖變而實則同

一職官光緒宣統間無甚變更民國成立後教諭訓導巡檢
典史一律裁撤惟知縣仍照舊不過變其名曰知事曰縣
長如輔政各職員無職官之名有職官之實故均列入清

靈石縣志

重修凡例

二十一

代職官後以備後人參考謝均宦績特別登記不合體制
茲改編故光緒年連謝均五人民國年五人六十年中祇
十人良吏之難概可見矣

一選舉如進士舉人孝廉方正五貢及仕籍一一列入廩增
附不登民國改革無此名目而關乎選舉有省縣議員有
高級學堂畢業生顧名思義應入選舉志內故分別學校
一一叙入高小畢業者不登至虛銜議叙封典清末嫌濫
殊少列入

一人物志內分忠孝善行列女捐賑四目忠孝善行列女各
增添數十人至於捐賑亦將光緒三年賑捐列入前賑捐
後其他義捐均編入人物善行內列女三十歲以下守節
守三十年者均採入不滿年限而卒者不在此例已旌表

未旌表無分次序

一藝文今採集碑文墓誌銘誄序啟多矣擇考據詳明足以傳世者登載數篇並增詩歌數十首楹聯數副均係擇其特別典雅者登載之以備後人瀏覽焉

一雜錄志祥異後新編災異附之事攷增數項再如礦產建設機關區村制農事諺語捐修志書新編六目一律增入仙釋仍舊

原凡例十四則

史有體例體宜正例宜嚴其大較也自紫陽本資治通鑑而編爲綱目義蓋取諸春秋春秋者經以立法傳以紀事綱目一書意猶是也夫志猶史也靈石舊志體裁簡略且自康熙壬子距今百四十餘年中間紀載闕如閱者惡焉今用旁搜博考疑者闕之略者增之首列圖考象太極也志分十二象周天之數也十二志綱也每志各有分屬目也蓋亦竊取綱目之意

志始地輿重封域也靈石本介休地自隋開皇間分介休西南建爲今治唐宋以來隸屬不一故沿革不可不詳星野次乎沿革者倣諸周禮所封封域必有分星星野定則疆界正矣山川奠則水利通矣綺布繡錯民之聚族而居者食水土之毛久之遂積成習故末綴以風俗焉

靈石縣志

原修凡例

一二十四

疆域定而工役興故建置次之城池縣治官事也坊表橋梁里甲村庄市鎮待治於官而安乎民者也若地畝學校祠廟營伍郵驛又建置之次者事可統屬而分志之何也蓋重之故分志焉且義可互參也

洪範八政食貨爲先重民事也建置定則思所以養民故食貨尤不可緩均地畝滋戶口正賦役備倉儲課權稅鹽法凡皆物產之所從出食貨之源也綱之紀之政體於是乎在利弊於是乎在是在留心民事者

食足而後教興學校所以爲教也師儒之設人才之興化治之本也故歷代重焉閱郡縣各志每繫學校於祠廟中互相沿襲例似合而體不尊茲特立學校爲一志詳列先聖先

賢名序及一切祭儀典物兼綴歷代建修姓氏於簡端俾後之君子展卷瞭然因感發其重道尊師之意

典禮莫大於學校今分繫於祠廟壇壝中仍冠以文廟有詳有畧義不嫌於互見也凡在祀典者詳載廟制祭品餘皆止存其名目而郵政亦統於禮故終紀之

文事武備相須爲用者也即在一邑設營墩守關隘置郵傳命凡以捍牧圉通差使衛民生者文治而外又不可少者也舊志附武備於建置中畧而不詳用特立爲一志首營伍次郵政分注合論亦俾後之修舉者得按籍以稽

官制至我國家至爲詳備邑令爲親民之官爲教爲養四境環而待命焉次學官次巡典次武弁分猷効力治忽係之靈邑始建於隋自隋以逮唐宋世遠年湮職名皆無可考舊志

靈石縣志

原修凡例

二十五

載遼一員宋二員今仍之迨元明以迄於今凡見於文書者備紀於冊名宦必操持可法德澤及民者始志之舊志綴宦績於各姓名下殊非體例今特另列之以清眉目以昭往鑑選舉編自宋代然僅存二三即在前明率多失考蓋邑志不修已久散逸殊多闕其不能不闕也逮至

國初半沿舊志其可博採補綴者迺自雍正乾隆以後舉貢進士仕宦及一切援例議叙文自七品以上武自六品以上方得入志其實授候補即巡典亦得附焉

人物據通志府志紀載謹嚴蓋其慎也然失考者亦有之今則博訪廣詢採之鄉評審其行跡果其於家國之間奇節異行名實相副有關名教者列入忠孝門或有頗敦孝友又樂修廟宇築橋修路濟急拯貧者概列善行門又別立捐賑門

示一善亦錄也善士難節婦亦難如窮巷下里苦節堪憐有
自青年甘守積至三四十載者報到必准訪確必錄顯微闡
幽未敢臆爲去取

靈邑勝跡之最古者介子廟卜子廟韓侯廟孝文山秦王嶺
李衛公祠也名賢遺跡井里生光惟介廟舊志號爲神林且
盛稱黃蘆之說甚屬不經故芟其說而定曰介子廟舊稱英
雄祠亦額曰李衛公祠至如唐崇徽公主手痕碑王宰碑蕭
珙碑舊皆失考今特訪出補志之吉光片羽神明呵護其出
想亦有時耶舊志八景命名擇地未盡穩愜亦酌更定凡碑
記題詠具載藝文志中徵文獻莫如士林然士君子先德行
後文藝故編輯於人物各志之後志例宜然也舊志有記無
詩即記亦殊尠茲採自唐宋以來其有關掌故者錄有係名

靈石縣志

原修凡例

二十六

跡者錄合得詩文若干首惟名賢佳什美不勝收爲各擇其
尤雅者輯之不敢濫亦不敢畧

庶徵之應邑亦有之然凡在邑志僅宜存以備叅不敢妄附
史氏也故祥異綴於雜錄志中次事考次仙釋如事考內有
正卷所不錄者有正卷已節錄者疑信叅半純駁兼收並存
之而各著其所出蓋志之餘也

志爲紀事之書實係一邑掌故靈志創始遠不可稽惟一修
於前明萬歷中白公夏再修於路公一麟越我

朝康熙間爲侯公榮圭所修典籍賴以不亡前勛固不可沒也
然積歲旣久缺典紛紜是役也更定體例綴殘補缺旁搜遠
考訂前志之所有增前志之所無自夏徂冬厥書始成實與
創始無以異

靈石縣志

圖考

周禮職方氏掌天下之圖辨其山鎮川藪使各周知其利賴
 修平乃守意至深遠也沿及後世上自省會下至邑鄙莫不
 有志志繫以圖於是封疆景物瞭如指掌視古為詳靈石始
 建縣於隋中間遞有因革故文獻雖存圖象猶缺乃歷考疆
 域分野山川形勢城郭名勝為圖十五俾後之作者得以覽
 觀焉

靈石縣志

圖考

觜宿圖

兼參



觜二度在參之右角如鼎足形主天之關

觜三星距西南星去極八十二度半

坐旗九星距南星去極六十一度半入參宿八度

司怪四星距西星去極七十一度入參宿六度半

按步天歌坐旗司怪俱屬觜宿武密書及乾象新書皆屬

參

靈石縣志

星野圖

二十八

參宿圖

分野主靈石



參十度上為五星日月中道

參十星距中星西第一星去極九十二度半

玉井四星距西北星去極九十八度少入畢宿十一度半

天屏二星距南星去極一百一十五度 入畢宿十三度半

軍井四星距西南星去極一百五度半 入畢宿十四度

天廁四星距西北星去極一百一十八度半 入參宿二度

屎一星去極一百一十五度入參宿三度半

靈石縣志

星野圖

二十九

縣境全圖






靈石縣志

縣境圖

三十




泉州至南



學宮圖




縣署圖




靈石縣志

學宮圖

三十一




巡檢署圖



靈石縣志

縣署圖

三十三




冷泉烟雨




靈石縣志


巡檢署圖

三十四






翠峰
聳秀





汾水鳴湍



靈石縣志

八景圖

三十六



介廟志壽




靈石縣志

八景圖

三十八






靈石縣志


八景圖

三十九




夏門春睦

兩渡炳晴



蕪溪夜月





靈石縣志

八景圖

四十

霍山雪霽



靈石縣志

八景圖

四十二



石靈



靈石圖說

自古立縣命名胥有取義或以地定名如河曲縣在黃河之灣故曰河曲是或以事定名如聞喜縣當漢武帝伐匈奴聞捷報而喜是至靈石縣之定名果何昉乎考史乘所載隋開皇十年立靈石縣當時興工挖河獲一石似鐵非鐵似石非石其色蒼蒼其聲錚錚相傳石上有大道永吉四字今已磨滅據科學家研究確係礪質然則立縣時何不以物定名曰礪石縣而曰靈石何也日猶是石也其靈果何在而取以名縣抑又何也蓋山川靈秀之氣鍾毓於此石經數千百年礪礪鬱結一旦始發現於外此靈石之所以爲靈歟况自立縣以來人文蔚起豪傑輩出擢巍科登顯仕者固已指不勝屈迄於今而後起之儁繼體不絕此非靈之明徵耶矧斯石者

靈石縣志

靈石圖說


四十二

鎮水災捍城垣舊志紀述班班可考凡騷人墨士以及游人旅客來是地者無不摩挲其下有徬徨不忍去之概陸放翁嘗言石不能言最可人殆謂是已後人以其靈也而神之每逢朔望焚香致敬良有以夫今繪圖貼說登諸志首亦探本

窮源之意耳

民國二十三年重修記

靈石縣全圖



例圖

- 縣
- 鎮
- 主村
- 附村
- 郵政局
- 警察局
- 區界
- 縣界
- 鐵路
- 公路
- 小橋
- 電綫
- 立關隘
- 森林
- 山脈



靈石縣志卷之一

地輿志

二十六年徵集之書

易曰在天成象在地成形卑高陳而貴賤位雖在一都一邑經界詳焉風俗繫焉靈石自隋開縣以來迄我

朝復隸霍郡越百數十年休養生息民淳而務本土秀而尚文古稱并俗儻枝至今遠非昔比矣顧其地襟汾面嶺南北衝途蒞斯土者外修牧圉內課農桑因其俗而與民宜之是在奠麗之有其道也志地輿

靈石縣志

卷之一

地輿

一

沿革

陶唐 冀州之域按堯都平陽邑地當在畿內

虞 書肇有十二州蔡註舜以冀地廣分冀東恒山之地

為并州冀東北醫無閭之地為幽州冀州止有河內之地今河東一路是也考山西通志靈邑舊志皆列隸并州介

休縣志則首列隸并州又據蔡註以宋之河東即今之晉省應隸冀州兩存其說周官職方氏河內曰冀州其山鎮

曰霍太山正北曰并州其澤藪曰昭餘祁鄭康成註昭餘祁屬鄆按鄆晉彌牟邑今介休地然則霍太山以北介休

以南為并冀分域之所今之靈石迺處其中亦與參鬻分野未敢臆斷也

夏 冀州之域

商 冀州之域

周 邑舊志隸并州介休志爲太叔虞唐國之境按史記
晉世家成王封叔虞於唐唐在河汾之東方百里又括地
志故唐城在絳州翼城縣二十里堯裔子所封成王滅之
以封太叔虞又史記唐叔子燮是爲晉侯以燮父徙居晉
水旁遂改唐爲晉也據方百里之說則唐晉始地不得至
介休史記獻公十六年滅魏滅耿滅霍索隱註永安縣西
南汾水西有霍城古霍國有霍水出霍太山是獻公時始
拓地至今霍州迨魏絳和戎荀英取狄得鄔祁平陵梗陽
涂水馬首孟地益大而綿上之田始在晉界中矣至三家
分晉地入趙復入魏史記魏世家梁襄王十三年秦取我
曲沃平周闕駟十三州志平周縣在介休縣西五十里據
此則平周即隋所割益靈石地

靈石縣志

卷之一

沿革

一一

秦 置介休縣始皇二十六年分天下爲三十六郡邑地
隸太原郡

漢 漢初介休亦隸太原郡元朔四年改隸西河郡見前
漢書地理志

曹魏 陳壽魏書無地理志酈道元水經註晉西河恭王司
馬子盛碑魏黃初二年置西河郡領離石隰城中陽介休
四縣

晉 隸西河郡

後魏 介休志隸定陽寄郡汾州府志延和三年置吐京鎮
太和八年置西河郡十二年改吐京鎮爲汾州汾州之名
自此始介休隸焉

北齊 介休志據隋書隸南朔州按元和郡國志云介休縣後魏明帝時爲賊所破孝靜帝更修築遷朔州軍人鎮之因立爲南朔州但領軍人不領郡縣其介休縣仍屬汾州是當時雖有南朔州之名而郡縣如故

後周 隋書地理志介休後魏改定陽郡曰介休郡按元魏周齊間郡縣佔據統轄無常且分割寄治紛紛不一如介休一縣定陽爲寄郡南朔爲領軍或隸介休或隸五城或兼鄆地或改平昌史旣錯出志復棼如究未能確指所隸何所

隋 開皇十年始割介休西南地置靈石縣隸西河郡山西通志介休志邑舊志同又義寧元年置霍山郡以霍邑趙城汾西靈石隸焉見隋書

靈石縣志

卷之一

沿革

三

唐 武德二年改霍山郡爲呂州領縣如故貞觀十七年廢呂州以靈石隸汾州見舊唐書地理志

五代 隸汾州後北漢劉崇以地降于遼

宋 隸汾州宋書地理志靈石爲中縣屬汾州有陽涼南關陽涼北關又宋帝紀太宗太平興國四年北漢平得汾晉等州縣四十政和六年改霍州爲霍邑縣隸平陽

金 隸霍州宋帝紀靖康元年金人敗宋師於子夏山威勝汾晉民皆奔渡河地入於金元史金改呂州爲霍州領霍邑趙城靈石按金帝紀正佑二年置霍州無改呂州之說呂州自唐已廢不知復自何時

元 隸霍州元帝紀太祖八年盡拔金之潞澤遼沁平陽太原汾石忻代州等州而還又立汾州元師府割靈石隸

平陽路之霍州仍析置小靈石縣至元二年詔諸路府州縣戶不滿千者可併則併之遂省小靈石入介休

明 初隸霍州萬歷二十三年改隸汾州四十三年以石樓入汾州易靈石隸平陽府見明史地理志又舊志載萬歷四十三年平陽縉紳李都諫等謂靈石郡中關隘同疏請准仍隸平陽免轄霍州

清 初隸平陽府乾隆三十七年奉文據布政使護巡撫事朱奏平陽府屬之霍州路當東西孔道北路距靈石縣一百里重嶺嵯峨差務往來最關緊要該州接界之趙城靈石同爲府屬彼此平移難免稍分軫域一遇差務旁午即恐辦理竭蹶請將霍州改爲直隸州以趙城靈石隸之則呼應既靈稽查更切吉州直隸州所屬鄉寧一縣俱係

靈石縣志

卷之一 沿革

四

簡缺別有統屬覺無關緊要請將吉州改爲散州並鄉寧改隸平陽府養廉統轄各照增減奉 旨依議靈石自此隸霍州直隸州

按山西通志云靈石漢太原郡介休地隋開皇中析置靈石縣屬西河郡以開道得瑞石因置縣割介休西南地以益之邑舊志云開皇十年文帝駕幸太原傍汾河開道獲一石有文曰大道永吉因以爲瑞遂於其地建設縣治焉得石置縣之說二志當有所本而隋文帝紀及地理志皆所不載或間見於外史紀瑞諸書詳徵遠引是有待於博雅君子今閱靈石屹然立於城北水門亭中高四尺有餘似石非石似鐵非鐵摩挲舊文所謂大道永吉者合不可見當因歲久剝蝕而縣實以此得名至今不改斯即石之

所以爲靈也相傳縣城勢處窪下賴此石存可免水患理
或然歟

靈石縣志

卷之一

沿革

五

分野

周禮保章氏以星土辨九州之地所封封域必有分星以觀妖祥後世言星野者宗之河東古冀州之地實皆晉遺封也國語曰實沉之墟晉人是居又曰遷實沉於大夏主參

按大夏服虔曰在汾澮之間而杜元凱云今太原晉陽也史記禹鑿龍門通大夏張守節引括地志云大夏今并州晉陽及汾絳等州是也

史記天官書二十八舍主十二州晉之疆候在辰星主於參伐

漢書地理志魏地觜觿之分趙地昴畢之分

唐書天文志觜觿參實沉也初畢十度餘八百四十一杪四之一中參七度終東井十度得漢之河東及古晉魏地

靈石縣志

卷之一

分野

六

圖書編平陽觜參分野又山西諸郡三觜參四參井惟大同爲昴畢也

春秋傳言參爲晉星居實沉之次蓋實沉參神也其占爲戎索爲武政當河東盡大夏之墟

據汾州府志謂澤汾二州皆參分案明志所載出清類天文分野書成於洪武十七年是時汾州領孝義介休平遙三縣石州領寧鄉臨縣隸太原府石樓隸隰州以太原平陽汾石皆專屬參惟隰州兼觜觿參言之今據平陽府志兼屬觜參是時統霍靈趙三州縣亦主觜參蓋據山西通志以立言也

宋史河東路當觜參之分明史天文志畢七度至井八度實沉之次也山西之太原府石忻代平定保德岢嵐平陽府皆

參分絳蒲吉陽解霍皆鬻參分

明一統志平陽禹貢冀州之域天文鬻參分野其界自高陵以東盡河東河內

據山西通志及平陽府志雖兼鬻參言之而鬻二度在參之右角李淳風法象志云鬻鬻參伐皆直天關次相近也然則晉地實沉之墟參星之主已無可疑獨言參者晉本唐封初未及韓趙魏三分之廣實沉三十度中惟參星所主獨多故舉以概其餘耳

蔡邕月令章句云自宵一度至畢六度謂之大梁之次趙之分野也自畢六度至井十度謂之實沉之次晉之分野也皇甫謐帝王世紀自畢十二度至東井十五度曰實沉之次於辰在申謂之涪灘於律爲仲呂斗建在巳今晉魏之分野

靈石縣志

卷之一

分野

七

漢永元銅儀參八度去極九十四度元祐測驗參十度右足入畢十三度

宋兩朝天文志參十星距中星西第一星去極九十二度半鬻三星距西南星去極八十二度半

隋天文志鬻鬻三星主葆旅收斂萬物明則倉儲盈參十星一曰參伐一曰大辰一曰天市一曰鈇鉞主斬刈又爲大獄主權衡所以平理也又主邊城爲九譯故不欲其動也參白獸之體其中三星橫列三將也東北曰左肩主左將西北曰右肩主右將東南曰左足主後將軍西南曰右足主偏將軍中央三小星曰伐天之都尉也王道明則芒角斂芒角不動邊候輯寧七將皆明天下兵精

參上爲五星日月中道甘氏曰參爲忠良孝謹之子明大則

臣忠子孝安吉鬻二度在參之右角如鼎足形主天之關明
大則天下安五穀熟

按冀并分野之說考之歷代史志互有同異靈石介乎汾
州平陽之間僅當古晉一區因難以尺寸求之然就晉地
論當以春秋傳爲據昔武王邑姜方震太叔夢帝謂已余
命而子曰虞將與之唐屬諸參而蕃育其子孫則參爲晉
星由來已久惟後世疆土隸屬無常測驗互異故同一河
內也或主參伐或兼鬻參或兼畢鬻參并其間初終躔度
間有不同要不離實沉之次近是又古者史氏不廢星歷
之學其主占候者往往執古求今銖黍而測之雖時亦有
驗有不驗然失之鑿者不一而足楊子雲云史以天占人
聖人以人占天守土者誠能務盡人事俾無闕失則邑之
靈石縣志

卷之一

分野

八

休祥災眚可以感召補救雖勿問占候可也

疆域

縣治在霍縣東北一百里

東西廣二百六十里南北袤一百一十里

舊志作廣二百七十里袤一百二十里

東至縣屬與沁源縣交界之東西石臺村等一百六十里

西至縣屬與隰縣交界之高家塢李家庄等村一百里少南

至隰縣治一百八十里

南至縣屬與霍縣交界之逍遙嶺村五十五里至霍縣屬之

白道鋪六十里霍縣治一百里

北至縣屬與介休交界之桑平峪村五十五里至介休界義

棠鎮六十里至介休縣治八十里 舊志作七十五里

東南至霍縣界雙廟村七十里霍縣治一百一十里

西南至縣屬與汾西交界之王家嶺石櫃村等村七十里汾

靈石縣志 卷之一 疆域

九

西縣治九十里

東北至縣屬與介休縣交界之旌介村四十五里介休縣治九十里

西北至縣屬與孝義縣交界之東西安生等村六十五里孝

義縣治九十里

北至省城三百六十里達北京一千四百五十里形勝南有

郭家溝之天險北有靈石口之巖關汾水襟流綿山拱峙扼

塞咽喉南北閩隩

山州 附水利

綿山在縣東四十里以介之推隱此故又名介山高五里盤踞七十里北跨介休東南接石膏山又東南接沁源霍岳盤袤遼邈隨地異名山下有小水河內有欒室四壁高峻中函平原相傳晉錮欒盈於此又有抱腹巖羣峯簇擁爲茲山之奧區巖西曰鐵索嶺攀援乃可登陟由嶺而西曰白雲洞土人呼爲中巖泉出壁間其孔百餘狀類蜂窠故名蜂房泉又有泉出下巖名下馬泉山隸介休境二十五里以山脊分界其陰屬介休其陽屬靈石

抱腹山在縣東四十五里即抱腹巖也巖高出雲表秋冬之交山下微雨山上已大雪數尺界連介休亦載介休志中

靈石縣志 卷之一 山川 十
翠峯山在縣城東高半里盤踞一里許石壁巉巖四時蒼翠故名

孝文山在石膏山東十餘里相傳孝文皇帝駐此得名石膏山在縣東南七十里與尖陽山相對東接沁源高十里盤踞十五里有上中下三巖峯巒壁立溪壑幽深產石膏仁義河導源於此上有數石洞石膏滴乳石巖中有佛像左爲龍洞水冬夏不涸

尖陽山在縣東南七十里東接沁源山勢陡峻峯插雲表每春融時積雪未消

十八盤山在石膏山南山極陡險上下盤繞共十八曲

馬頭山在縣東五十里舊志云在縣東四十里抱腹巖南山勢聳出如馬頭然俗名馬脊山又名鳳頭山

捕狐山在縣東南七十里高五里徑七里上有神廟俗稱捕

狐神

臥牛山在縣南五十里形如臥牛

姚家山在縣西北十里

烈鳳山在縣西十五里狀如鳳之飛揚

逍遙山在縣南五十里

東山在縣北小水鎮東峯聳林密

柏槐巖在縣東五十里與抱腹巖相連

馬跡巖在縣東三十五里石上馬跡宛然

龍巖在縣南七十里上有寺俗傳宋藝祖避兵於此

禪房巖在綿山內有石洞深八百尺風雨不侵泉深八尺不涸不溢

韓侯嶺在縣南二十里上有韓侯廟墓在廟後多名人題詠

靈石縣志

卷之一

山川

十一

見古蹟

秦王嶺在縣西南三十里唐太宗取霍邑曾駐兵於此

蛤蟆嶺在縣西南五十里以狀類故名即古賈胡堡相傳唐

兵取霍邑駐此俗呼蚰子嶺

舊志名蛤蚧嶺

桑平峪在縣北五十五里

舒江峪在縣北接孝義境

印馬峪在縣西接隰縣境

石門峪在縣西四十里

魚兒川峪在縣東南八十里

屏風石在縣東四十里三清寨上乃綿山峯也高踰百丈奇

厚數十丈如屏風然石下有清泉

搖車纏在縣東山勢最險峻上多樹木

竹竿坂在縣南十里

拖風洞在東山中峻絕人不能陟

文殊原在汾河西上有聖松枝葉橫長相傳文殊菩薩化現於此

王禹原在縣西南道美里相傳夏禹曾遊於此因立祠故名望川原在縣北七十里東西鋪頭兩界相傳禹治水時登此觀望水勢後人立祠爲望川神

馬家溝原在縣西南張志里接連汾西境

按隋書地理志靈石有介山有靜巖山介山以介子推得名即綿山也至靖巖山詢之故老無有知其所在者豈時代既遠山亦隨時而異名歟考唐書又有雀鼠谷谷東北距介休二十一里水經南過冠爵津酈道元註云汾津名

靈石縣志

卷之一

山川

十二

也俗謂之雀鼠谷周數十里道隘水左右悉結偏梁閣道纍石就路榮帶巖側上戴山阜下臨絕澗俗又謂魯般橋蓋通古之津隘也據水經注言谷之隘險今屬靈石縣境東接介休爲入谷之口耳

又按介休縣東南四十里有曰獅鼻巖高七十餘丈東十八里曰臧城山東南二十里曰太虛巖巖畔有數石洞知縣李鍾盛分界碑記云山南之坡爲陽坡地名有北塔鈎紅巖村柏溝峪大小柏溝村介神廟諸處屬靈石縣地山北之坡爲陰坡地名有說法臺抱樓山陶圪塔饅頭山興地村屬介休縣地俱以山脊陰陽爲界下以柏溝村興地村二溝合流總渠水心爲界

汾水導源寧武管涔山下過靜樂縣西南入太原汾州府境

曲折奔流至介休西南流經縣境冷泉兩渡等處直逼縣城北合小水河環繞城西復轉而東抵翠峯山下又折而西南經魯般纏漚郭家溝水至南關鎮合仁義河南入霍州界小水河源出綿山興地峪及柏溝曲美峪流經靜介等村至縣北門外入於汾夏秋水暴漲洶湧迅急勢如建瓴縣處下流賴柳堤以禦之

雙河在縣東一百七十里源出雀兒山巖東流入沁河

仁義河在縣東南七十里源出沁源縣經尖陽石膏諸山南歷西村道遷村仁義鎮會石門溝柳溝羅兒溝青石溝諸河至南關鎮入汾舊志謂河在縣南四十里

曲陌峪河在縣東四十里源出綿山箭霍巖諸溝之水流經梧桐等村與小水河合入於汾

靈石縣志 卷之一 山川

柏溝峪河在神林北源出綿山欒室諸澗水經張嵩等村與小水河合入於汾

興地峪河在柏溝村北源出介休五龍溝會靈石北塔溝諸澗水兩縣籍水以灌地畝公沾其利流經旌介等村合小水河入汾

沙峪溝河在縣東四里入小水河

石門峪河在縣西四十里源出孝義境會舒江峪諸水經文學里至夏門鎮入汾即西河也

懷來峪河在縣西十里入汾

石村溝河在縣南五里會東山之水入汾

郭家溝河在韓侯嶺常家山之中各山水會流經魯般廸入汾

景家溝河在索洲鎮汾河西合孝義郭璧等村之水入汾
賀家溝河在曹村北合文學里諸溝之水入汾

石門溝河在仁義鎮北入仁義河

柳溝河在仁義鎮東入仁義河

青石溝河在道遷村東入仁義河

羅兒溝河在仁義驛東入仁義河

水峪溝河在縣東北十里入小水河

乾龍池在學西北隅因築城取土遂成深池堪輿家謂宜引
水以補風氣萬歷乙亥知縣白夏自學東導水環遶西南流
注地內且通城下暗渠再引汾水注入足備兵患士民便之
今改曰化龍池

冷泉在縣北四十里風景寒涼其泉清冷下與汾河相通視

靈石縣志

卷之一

山川

十四

河水消長以爲盈涸

方泉在縣北七里

平泉在縣北三十里水入景家溝

野泉在縣南十里水極甘美

東鄉

水利

旌介村渠源出介邑巖溝自介邑興地村河神廟引水灌旌

介村等地畝餘水注小水河入汾河

集廣村一渠接旌介村西河口泉溉集廣村等地畝餘水注

小水河入汾河

靜昇村三渠引該村天河內馬頭小河黑水三泉溉靜昇村

等地畝餘水注小水河入汾河

尹方宋家圪塔一渠接靜昇河灌該二村等地畝

蘇溪南堡一渠接靜昇河灌該二村等地畝

上村王家圪塔李家溝二渠接小水河灌該三村等地畝

下庄北王中二渠一接靜昇河一接草橋溝泉灌該二村等地畝

草橋村渠一道接韓家庄泉灌五庄等地畝餘水注小水河入汾

沙峪溝一渠接小水河灌該村等地畝餘水入汾

縣城東門外一渠灌東門外等地畝餘水入汾

大小柏溝張嵩村渠接柏溝峪泉灌該三村等地畝餘水注靜昇河歸小水河入汾

馬和村渠引該村三官廟底泉溉地畝餘水注靜昇河此渠泉低渠高不能灌溉他處

靜林頭村渠接三奇溝婆婆泉灌地餘水注靜昇河軍寨曲陌楊家園一渠引河北後悔溝龍王灘各泉灌三村等地畝餘水注梧桐河合小水河入汾

南頭下寨葫蘆頭東西等村一渠接河南後悔溝龍王灘各泉灌該等村地畝餘水入梧桐河

南王中村渠接梧桐河灌該村等地畝

東南鄉

水利

二溝村渠接戰坡底石門口泉灌地餘水注仁義河入汾

峪口村東村灣立村西村前後庄立村師家溝河南村二渠接石膏山白楊河戰坡底石門口南不來溝北不來溝四溝水灌溉八村等地畝餘水注仁義河南立村一渠又接西村泉灌地餘水亦入仁義河

道遷村密上村灣立村一渠接仁義河灌該三村等地畝

南鄉 水利

仁義鎮二渠接仁義河灌該鎮等地畝

逍遙嶺渠接仁義河灌該村庄等地畝

王家溝渠接仁義河灌該村庄等地畝

三教村渠接王家溝村外泉灌地餘水注於汾

南關村渠二道一引汾河水一引仁義河水灌南關王庄等村地畝

王庄與石櫃村相對石櫃村另與道美開渠二道

道美村二渠灌道美石櫃等村地畝

溝峪灘渠灌溝峪灘等村地畝

梁家圪塔一渠灌梁家圪塔夏門等村地畝

靈石縣志

卷之一 山川

十六

許家店村渠灌該村等地畝

張家庄村白玉成灘開渠一道引汾水灌該村地畝

城南玉成村一渠灌該村等地畝

西鄉無水地渠道

北鄉 水利

河東索洲鎮村北甕門渠一道灌索洲等村地畝

河西自景家溝起開渠一道灌下庄河洲劉家庄等村地畝

張家峪村南臨河渠一道灌水頭鎮等地畝

縣城東門一渠由水頭河開渠溉東南門外等地畝

縣城西門外一渠溉西北南三門外等地畝

城下三渠縣中舊無井乃於城垣下鑿三暗渠一在東門一在北門俱導入小河之水一在西門引汾水灌溉澣濯取資

爲便然日久多淤而疏鑿之功亦不能少輟云

小水北渠知縣路一隣開長一十五里附近居民資以溉田
小水河源出縣東北四十里綿山白石谷居民引渠灌田萬
金堤即北門外小水河堤也縣當東山諸水下流始開縣治
築以護城屢塌修明萬歷乙亥知縣白夏加築堅厚易名萬
金堤後水暴漲逼堤尋圯清順治間知縣徐來麟李廣生相
繼修築康熙十年又塌一百丈有奇水浸東南門內知縣侯
榮圭復加修砌雍正三年知縣梁應宸再修十二年知縣胡
永澤易土以石計三百丈有奇又於堤外築小堰八十九丈
民立石號曰胡公堤嘉慶十一年七月淫雨漲溢水入東北
二門十三年知縣陶廷颺重修燬灰砌石計長一百六十餘
丈二十一年七月冲决東北面三十餘丈知縣王志澍重修

靈石縣志

卷之一 山川

十七

其餘堤下漆砌石根以遏水勢

昔人稱風土之美者類首及山川而韞玉懷珠究無益於
民生日用山川奠而疆域定其利蓋與民同之固不僅以
山高水深侈談勝概也靈邑山以綿爲宗川以汾爲滙由
峯巒之環互致泉脉之紆迴境內土田什九皆資灌溉其
利溥哉故志山川後附以水利然水有利亦有害知其利
而預通之則害去矣知其害而預禦之則利興矣夫所以
預通之而預禦之者築堰引渠是也堰欲其固旱則瀦水
以灌田渠欲其通雨則洩水以防患蓋水之爲利至溥而
其爲害亦至暴當其淫雨流溢奔騰迅激誠非人力所能
支者恃在平日堤堰之堅厚有以禦之而殺其勢然堤雖
堅厚積久亦不能不壞况當山水之衝關係城垣如城北

之小水河堤者前人築之屢矣顧隋築隨塌此尤不能不時時加之意也必也地有界渠有掌而又經理有恒蓄洩有候如周禮稻人所謂以瀦蓄水以防止水以溝蕩水以遂均水以列舍水其庶乎可以永受其利而無害矣

汾河水利

呈文

批均水辦法

具公呈靈石縣治河十九村人民代表田萬棠等爲攔河築堰汾水斷絕懇請明定章程以均水利而蘇民命事緣靈石縣南北百餘里沿河十九村水地八千餘畝居民四千餘戶自前明開有官渠十四道灌地供飲賴以生活近年以來上游各縣開渠築堰時有所聞以致河水屢屢斷絕本年尤甚遲至六月初大雨施行後河水始至致使夏麥未經澆灌收穫頓減秋禾安種太遲被霜凍斃治河居民納水地糧應水

靈

石縣志

卷之一

山川

十八

地捐反不如旱地之收成至飲料一節困苦尤甚人民屢次掘井又蒙

上憲派工穿井法窮力盡終不及泉本年秋禾方收麥苗尙未灌漑之際於八月間河水即行斷流目今地不能澆水不能飲沿河居民惶恐萬狀而上游各縣海漫灌地幾同澤國同此河流同此水地上游享利下則偏枯其不平有如此者不平則鳴若不設法維持愚民無知勢必致起爭端誠恐釀成巨案代表目觀情形萬難緘默急趨來

轅瀝陳苦狀懇請

俯念民艱詳定均水章程明令公布俾沿河各縣有所遵循靈民不獨向隅不勝感戴之至理合呈請

鑒核伏乞

恩准迅予核辦施行謹呈

山西督軍兼省長閣

耿爭光 郭自勵 吳鴻德

田萬棠 耿步蟾 張士僑

楊賡良 牛廷禧 耿步瑞

民國十一年十一月十七日
靈石縣沿河十九村代表

山西省長閣批

原具呈靈石縣沿河十九村代表田萬棠等

一件呈攔河築堰汾水斷絕請明定辦法由

呈悉此案現經本署明定均水辦法除令行冀甯道尹轉飭文平徐祁介各縣遵照辦理並行靈石縣外仰即遵照此批
民國十一年十二月六日

附省署明定均水辦法四項

靈石縣志

卷之一 山川

十九

- 一清文祁平介按汾河水程應築各堰每年照章砍堰後概不准築堰逼水澆地砍堰時應由該管縣知事派員監視
- 一介休天順堰每屆築堰之期對於靈石另開支渠放水五分先由管河縣佐前往驗明合法方准接水接水時照章由冀甯道尹派員實地監察以水程屆滿親視將堰砍平爲止

一各堰水程屆滿後由冀甯道尹飭管河縣佐不時沿河巡查以防違章霸水情弊

一凡有違反上開三項辦法者人民依法懲處知事縣佐委員違背職務者嚴予懲戒

民國二十三年重修增入

雙池河水利

雙池河原係山水河五六月間大雨施行河內漲水極大河

北省客民築漫灘地開渠引水灌溉沿河村庄如段村雲義志家庄山灣口一帶瘠土變爲良田約計畝數有二十餘頃其中未升課地極多渠道澆地情形並未在縣政府立案登諸志冊以備參考

民國二十三年重修增入

風俗

史記參爲晉星其民有先王遺教君子深思小人儉陋晉問云其人至今溫恭克讓好謀而深和不怒堯舜之遺風也隋書土地少沃多瘠是以傷於儉嗇其俗剛強亦風氣使然通典山西土瘠其人勤儉而河東魏晉以降文學盛興閭井之間習於成法

祝志重體義不事浮末

郡志民性醇厚尙禮義有婚喪鄰里相周而不吝

舊志人性質朴士習馴雅俗淳訟簡不事驕奢六禮多遵文公家禮屏絕浮屠然享祀報本雖費不吝蓋不免隨俗太過云

觀風錄靈石僻在萬山中財貨不通其人勤苦多致蓋藏弟

靈石縣志

卷之一

風俗

二十一

子員皆守章句不敢背師說仕宦尙氣節婚姻不計財賄蓋前輩皆然而今時少替焉

每歲元旦夙興熾炭院中名興旺火祀神祀先畢以次賀年如常禮早膳水角午食黃米麪饅酒食相招十數日乃已

立春用絹作孩形俗名春娃童稚佩之又作小袋內藏豆穀掛春牛角謂消痘疹之災

正月十五日爲上元又名元宵節人民張燈鼓吹辦雜劇所過城市村鎮皆以酒食相餉豐儉各從其便

二十日各家囤漆糧缸漆水炭鎮門以黃米麪作糕燈祀倉神名曰漆倉二十五日亦如之

月盡之夕家家張燈焚香放爆名曰辭燈

二月二日俗傳龍抬頭虫蝎將出蟄各家掃除屋內名曰除

蟲又於廁所及門前衛以石灰名曰除瘟

清明前東鄉村庄相沿冷食三日不舉火約禁頗嚴感介神也名曰寒食前二日各家墓祭皆加封焉節前後兒童有鞦韆之戲相傳以爲去百病云

清明節展墓邑人重之甚至客他鄉者亦多歸祭並於墓地栽植松柏等樹

三月初三日爲上巳古人以爲修禊踏青令節迄今文人學士猶有行之者

穀雨日人家多寫禁蠅帖黏於壁上詞曰穀雨三月中老君下天空手拿七星劍斬斷蠅子精

四月初間介廟後宮牡丹花開正盛鄰近人民往觀者甚多俗名看神花

五月五日爲端陽節小兒繫五色絲婦女佩艾虎艾人佩硃砂袋食角黍飲雄黃酒相傳可以去病避毒除邪

六月六日沿河村莊祭河神又伏日作麪合醬釀酒

七月七日夜女子陳瓜果於月下穿針乞巧

十五日祭祖考亦有拜墓者名曰秋祭

又是日東鄉介廟香火會演劇酌神鄰近各邑居民前往與會者絡繹不絕

秋社後土人多采荳菜淘而貯之以作冬春蔬菜貧苦民家至賴以當飯

八月十五日爲中秋節筵陳瓜果拜月戚族會食

九月初九日爲重陽節家家食糕以代登高時會文昌閣演劇居民或攜酒饌登翠峯絕頂酣歌終日歲歲爲常

十月一日爲寒衣節是日墓祭略如清明節至夜焚紙帛於
十字路名曰送寒衣

冬至祀先又舊日學塾或家庭聘請教師均於是日定之
十二月一日雜五穀炒熟以食八日置果飯中名臘八粥二
十三日晚設館祀竈名曰送竈逾日掃舍宇除夕易門神春
聯樹松柏枝於院中名曰燈杆合家團飲守歲

嘗聞之史遷曰唐虞之地風教固殊蓋謂教成於上風行
於下固非山川水土之所能囿也顧嘗讀山樞蟋蟀諸篇
而勤儉深思之俗至於今不改此又豈山川水土所囿之
耶然風以成俗習與時新舊志有云昔靈俗男耕女織老
幼恒服布衣燕會時器用瓦磁食無異品即仕宦貴顯徒
步街衢夫人親操井臼質朴之風化及里閭邇來漸習奢
靡無論紳矜士庶服不衣綺紈者愧食不登異味者恥習
俗移人賢者不免焉書曰爾惟風下民惟草司風化者其
念之哉

靈石縣志

卷之一

風俗

二十三

傳云君子之德風小人之德草草上之風必偃是知一代
之風尚胥視士君子之提倡以爲轉移靈石席唐虞勤儉
之風沐西河教授之澤士食舊德農服先疇質樸之風爲
晉南最慨自晚清季年漸習奢靡迄於今茲此風尤熾矯
正之道義不容緩查 總理遺教既以忠孝仁愛信義和
平倡於前 蔣委員長提倡新生活運動復以禮義廉恥
昂於後而所以推行此新生活者又不外整齊清潔簡單
樸素諸美德山西在 閻主任督促指導之下辦理十年
建設實行造產救國服用土貨取締奢華亦正在積極進

行甚願我司風化之責者敦孝弟以重人倫明是非以彰公道啟迪民智勤求民瘼使衣食足而禮義興民生裕而教育普庶幾上行下效俗厚風淳家家有餘村村無訟之休可立觀矣

民國二十三年重修記

靈石縣志

卷之一

風俗

二十四

